

**Ya^ˇ mi^ˇ ma te^ˇ hpa_ aw_ˇ hk'o[^] lo na_
taw-eh te ve teh_^ k'o[^] ve leh_ˇ**



Ya^ˇ mi^ˇ ma te^ˇ hpa₋ aw_ˇ hk'o^ˆ lo na₋ taw-eh te ve teh_ˆ k'o^ˆ ve leh_ˆ

Na nyi hkaw^ˇ : Ya^ˇ mi^ˇ ma te^ˇ hpa₋ aw_ˇ hk'o^ˆ lo na₋ taw-eh te ve teh_ˆ k'o^ˆ ve leh_ˆ a_ˆ
hto_ˆ ma le?

Ya^ˇ mi^ˇ ma aw_ˇ hk'o^ˆ lo na₋ taw-eh te ve aw_ˇ ceu_ˆ meh⁻ k'ai tu_ˆ aw_ˆ pon
mi_ˆ gui_ˆ sha⁻ na⁻ lon⁻ aw_ˆ hk'aw lo chi hk'e jeh_ˆ che^ˆ ta₋ ve yo_ˆ. Na₋ taw-eh te ve
teh_ˆ k'o^ˆ ve taw^ˆ hkaw^ˇ leh_ˆ, chaw aw_ˆ mo₋ lon⁻ meh^ˆ g'u^ˆ suh₋ lo ma^ˆ k'o^ˆ,
chaw ma^ˆ maw_ˆ kui_ˆ lo ma^ˆ k'o^ˆ, kaw^ˆ hon ve , pon_ˆ ve hpeh^ˆ ve aw_ˆ ceu_ˆ hta_ˆ
ma^ˆ te ma^ˆ hpeh_ˆ ve aw_ˆ hk'aw lo ma^ˆ k'o^ˆ, ma^ˆ hte^ˆ ma^ˆ caw^ˆ ve aw_ˆ hk'aw lo
yu_ˆ k'ai ve aw_ˆ hk'o^ˆ ka_ˆ, Haw⁻ hk'a^ˆ Ya^ˇ mi^ˇ aw_ˆ lawn hta_ˆ ca⁻ da_ˆ leh aw_ˆ to
ma^ˆ he^ˆ k'o^ˆ nyi ma g'a na_ˆ tu_ˆ, ma^ˆ he^ˆ k'o^ˆ, ya^ˇ mi^ˇ ma te^ˇ hpa₋ nyi ma g'a na_ˆ
tu_ˆ aw_ˆ ceu_ˆ, ma^ˆ he^ˆ k'o^ˆ nyi ma na_ˆ law_ˆ law_ˆ ya^ˇ mi^ˇ ma te^ˇ hpa₋ hta_ˆ na₋ taw-
eh te pi^ˆ ve aw_ˆ ceu_ˆ hk'a^ˆ peu-e_ˆ ve hta_ˆ k'o^ˆ ve yo_ˆ.

“ Haw⁻ hk'a^ˆ Ya^ˇ mi^ˇ peu da_ˆ ve (ma^ˆ shu₋ da_ˆ ve) aw_ˆ ceu_ˆ hta_ˆ aw_ˆ
hkui⁻ pui₋ teh leh hk'a_ˆ hk'e te pi^ˆ ve aw_ˆ ceu_ˆ hta_ˆ ma^ˆ hk'o^ˆ, chaw aw_ˆ mo₋
lon⁻ meh^ˆ g'u^ˆ suh₋ lo hpeh_ˆ la g'a ve aw_ˆ ceu_ˆ hta_ˆ ma^ˆ k'o^ˆ, chaw te^ˆ g'a^ˆ g'a^ˆ
ve a sha^ˆ te_ˆ kui_ˆ lo Haw⁻ hk'a^ˆ-Ya^ˇ mi^ˇ ve aw_ˆ lawn hta_ˆ ca⁻ da_ˆ leh ca htaw^ˆ
pi^ˆ, ca ga^ˆ pi^ˆ ve leh ca beh^ˆ pi^ˆ ve hta_ˆ pa taw ya^ˇ mi^ˇ te^ˇ hpa₋ g'a ya_ˆ taw ve,
nyi ma g'a na_ˆ ve, ma^ˆ he^ˆ k'o^ˆ, o^ˆ hk'e te tu_ˆ yo_ˆ teh_ˆ kaw^ˆ hon pi^ˆ ve aw_ˆ hk'o^ˆ
ka_ˆ, aw_ˆ ka₋ aw_ˆ nu chaw te^ˆ hpa₋ aw_ˆ pon pon_ˆ ve hpeh^ˆ ve aw_ˆ ceu_ˆ hta_ˆ tsuh^ˆ
ti₋ ta₋ ve , ma^ˆ he^ˆ k'o^ˆ taw₋ tsuh^ˆ ve”

Na nyi hkaw : Ya mi ma te hpa hta na taw-eh te kui aw hk'aw lo hk'a, hk'e ve te li te hk'a (aw ho aw han) hta ma chaw-eh yeh ve le ?

Ya mi ma te hpa hta na taw-eh te kui aw hk'aw lo aw ho aw han (te li te hk'a) lai ceu hpeh g'a ve yo. Aw haw lo ma la ta ve aw ceu hta ceh k'o ga ve ma he.

- **Nyi ma hta na taw-eh te ve** : Ya mi ma te g'a a shu yaw aw to hta yon ve nyi ma i k'ai yaw k'ai tu aw lawn lai ceu ca leh de pi ve, ma shaw ma ca k'o pi ve, ba pi ve, kaw hon ve, taw heh chaw-eh yaw pi ve, ya taw tu te pi ve, shu sha pi ve, ta i pi ve, hk'a hta ka nyi ma hk'aw keu ta leh g'a daw nyi cheh ve, ma he k'o, te g'a ti shu shaw ba ve hta g'a hkan tu aw pon daw nyi leh te pi ve aw ceu te hpa leh nyi ma hta na taw-eh te pi ve teh k'o ve yo.
- **Aw to hta na taw-eh te ve** : Shi sha ja ve leh daw hpeh ve, te paw peu te paw chu-i hpeh she leh nyi daw ve, la hk'eu la ca te ceu ceu hta yeh leh aw to hta g'a leh pi ve, na mvuh na taw-eh te pi ve, aw to hta tchaw naw ta ve aw hk'eu te hpa hta taw ba pi ve leh daw peh pi ve aw htai hk'a ga te pi ve aw ceu te hpa leh maw sha shi sha ja ve na taw-eh te ve aw ceu te hpa hpeh ve yo.
- **H/Y zuh da ve hk'aw na taw-eh te ve** : Lai ceu te leh ca htaw ca shu sha la ve . Nyi ma sha hpaw ma caw htaw te geh zuh tu aw pon ca k'u la, ca hka la leh beh pa ve, Nyi pa nyi hpaw sha hpaw ma caw ka te geh zuh tu te pi ve, aw ho aw han lai ceu (Taw pa ha : chaw te g'a g'a hta ma te ma hpeh k'o leh aw g'a aw sha hta yeh ve) chi te hpa hpeh ve yo. Chi hk'e na taw-eh te ve aw ho aw han aw hk'aw lo , aw suh k'aw da ta ve aw vi aw nyi geh te geh zuh ve aw ceu htaw lo-e ta ve yo.

- **Hpu shi hta, na_ taw-eh te ve :** Lai⁻ ceu_↓ ve aw_↓ hk'a[✓] hta_↓ yeh[✓] leh yeh_↓ ya[✓] k'a ya[✓] ve hpu, yeh_↓ sheh_↓ ma ve aw_↓ shin⁻ aw_↓ kan, ma[✓] he[^] k'o kan⁻ te kui_↓ aw_↓ hk'aw lo g'a ve hpu hk'a peu-e_↓ hta_↓ ma[✓] k'o[^], yu_↓ leh te pi[✓] ve aw_↓ ceu_↓ hk'a peu-e_↓ leh_↓ hpu shi hta_↓ ca⁻ da_↓ leh na_ taw-eh te ve aw_↓ hk'a[✓] aw_↓ hk'aw lo shaw_↓ keu ta_↓ ve yo_↓. A shu yaw[✓] ve yeh_↓ sheh_↓ ma hta_↓ aw_↓ ba_↓ hpaw[✓] lo taw[^] k'ai leh kan⁻ ca te ve hta_↓ taw_↓ ta_↓ pi[✓] ve, hpu shi hta_↓ ca⁻ da_↓ leh g'a[✓] va kui_↓ ma[✓] caw_↓ tu_↓ hpeh_↓ la pi[✓] law_↓ g'a ve te hk'a[✓] te[✓] hpa_↓ hta_↓ taw_↓ ta_↓ pi[✓] ve htaw[✓] ka_↓ na taw-eh te ve aw_↓ hk'aw lo lo_↓-e ta_↓ ve yo_↓.
- **Nyi ma daw[✓] hk'a[✓] hta_↓ g'a[✓] leh_↓ pi[✓] ve :** Chaw te[✓] g'a[✓] g'a[✓] ve chaw li[✓] va[✓] li[✓], aw_↓ he_↓ aw_↓ kaw[✓] hta_↓ k'o[^] g'ui_↓ gui[✓] pi[✓] ve, ven[✓] ba[^] ta_↓ pi[✓] ve, lu_↓ k'ai tu_↓ te ve, a shu yaw[✓] ve bon li[✓] shin⁻ li[✓] hta_↓ te hpeh_↓ tu_↓ taw_↓ tsuh[✓] pi[✓] ve, ma[✓] heu[^] ga[✓] ve bon li[✓] shin⁻ li[✓] hta_↓ ya[✓] mi[✓] ma leh ya[✓] eh⁻ te[✓] hpa_↓ hta_↓ ma[✓] te ma[✓] hpeh_↓ k'o[^] leh nyi⁻ te tcuh ve aw_↓ ceu_↓ htaw[✓] nyi ma daw[✓] hk'a[✓] hta_↓ ca⁻ da_↓ leh g'a[✓] leh_↓ pi[✓] ve aw_↓ ceu_↓ aw_↓ hk'aw lo lo_↓-e ta_↓ ve yo_↓.

Sha ta[✓] yu_↓ kui_↓ aw_↓ ti : 1993 hk'aw_↓, ya[✓] mi[✓] ma te[✓] hpa_↓ hta_↓ na_ taw-eh te ve hta_↓ ca⁻ da_↓ leh KA_↓ NE_↓ DA_↓ chaw ceu_↓ aw_↓ mo_↓, aw_↓ leh meu[✓] te[✓] paw[^] bvuh_↓ taw[^] ta_↓ ve li_↓ aw_↓ hk'aw lo “nyi maw_↓ kui_↓ hta_↓ pa k'ai pi[✓] law_↓ ve, na_ taw-eh te ve hta_↓ jeh[✓] tcuh leh hk'a shu_↓ shu_↓ hpeh_↓ pi[✓] law_↓ ve” li_↓ meh[^] hp[✓]fuh[✓] 6-7. . . .

